



FRÉTTABRÉF BSSL

Kjötafurðastöðvar birta afurðaverð

Kjötafurðastöðvarnar birta afurðaverð sín þessa dagana. Það er því um að gera fyrir sauðfjárbændur að kynna sér þau verð sem þar eru kynnt og veða og meta tekjur og kostnað s.s. varðandi flutning, heimtökurétt, verð á innmat, gærum o.s.frv. Heimasíða Landssambands sauðfjárbænda heldur utan um verðskrár afurðastöðvanna á www.saudfe.is eða í síma 563 0350

EFNI BRÉFSINS:

- Ný reglugerð um greiðslumark í mjólkurframleiðslu 2
- Munið að tilkynna nautkálfa 2
- Lækkandi vextir 3
- Minnt er á mjáltaathuganir 3
- Haukstörfin í sauðfjárrækt 4
- Hvað þýða breytingar á mjólkur-samningi?..... 6
- Tilkynning vegna gæðastýrðs skýrsluhalds í nautgripærækt?.. 7

Á DÖFINNI:

- **14. september**
Litróf landbúnaðarins
- **15. september**
Lokadagur umsókna um úttektir jarðabóta www.bssl.is
- **30. september**
Síðasti skráningardagur á Agromek 2009.
Bændaferðir,
S. 570-2790
- **6. október**
Námskeið: Burður og burðarhjálp Stóra-Ármót.
Skráning hjá LBHÍ,
S. 433 5000

Hvað kostar að fá verktaka til að rúlla?

Í lauslegri könnun sem BSSL gerði meðal heyrinnuvertaka á Suðurlandi í lok ágústmánaðar mátti greina nokkurn breytileika í gjaldtöku verktaka þó hann væri alla jafna ekki mikill. Í flestum tilvikum er innfalið í verðinu netið sem fer utan um rúlluna en verkkaupinn útvegur plastið. Eðlilega eru verðin breytileg eftir stærð rúllunnar en hafa þarf í huga að talsvert mikið heymagn er í hverjum 10 cm sem bætast við þvermál rúllunnar. Þannig er skv. handbókartölum 2,1 rúmmetrar í rúllu sem er 1,5 m í þvermál en 1,4 rúmmetrar í rúllu sem er 1,2 m í þvermál. Þjöppunin er líka mikið atriði og þetta tvennt veldur því að rúlla er alls ekki það sama og rúlla eins og allir vita. Að nota fjölda rúlla sem verðgrunn í slíkum viðskiptum er því ekki allskostar réttlátt þó það sé án efa þægilegasta leiðin.

Algengast er að verð á rúllu með neti sé á bilinu 800 til 1.100 krónur á Suðurlandi en talað var við 6 verktaka í Árnes- og Rangárvallasýslu. Lægstu verðin eru þá fyrir minnstu rúllunnar (1,2 m. þvermál) en sumir verktakar sem geta ráðið stærð rúllanna hafa þrepahækkun í verði á hverja 10 cm sem bætast við þvermálið. Einnig taka sumir verktakar meira fyrir að saxa í rúllunnar, annaðhvort prósentuálag ofan á grunnverðið eða fasta krónutölu á hvern hníf sem notaður er. Slíkt álag getur vart talist annað en eðlilegt þar sem söxunin er orkufrekari og jafnframt minnka afköstin nokkuð. Jafnframt eru nokkrir verktakar sem innheimta sérstakt komugjald eða taka fast verð á klst. í milliferðir, a.m.k. ef farið er lengra til. Oftar en ekki falla komugjöldin niður ef ákveðnum rúllufjölda er náð í sömu ferðinni, 100 - 150 rúllur voru nefndar í þessu sambandi.

Samkvæmt upplýsingum sem aflað var annars staðar af landinu eru þessi verð svipuð og þar eru í gangi. Gera má ráð fyrir að það þurfi um 10 til 12 metra af neti utan um hverja rúllu sem þýðir 3.600 metra netrúlla dugar á um 300 - 360 heyrúllur. Algengt verð á slíkri netrúllu í sumar var 45.000 kr/u vsk. sem gerir 125-150 kr á hverja heyrúllu. Plastkostnaður á hverja heyrúllu má ætla að sé á bilinu 500-550 kr miðað við að plastrúllan dugi á 20,5 heyrúllur að jafnaði og kosti 10.800 u/vsk.

Jóhannes Hr. Símonarson

Haustofundir

Haustofundir sauðfjárræktarinnar verðar haldnir dagana 25. og 26. nóvember n.k. Nánar auglýst síðar.

Ný reglugerð um greiðslumark í mjólkurframleiðslu 16 mánaða greiðslumarkstímabil

Þann 21. júlí sl. var gefin út ný reglugerð um greiðslumark mjólkur næstu 16 mánaða, þ.e. frá 1. sept 2009 til ársloka 2010. Í lok næsta árs 2010 verður síðan gefin út ný reglugerð um greiðslumark mjólkur - þá með gildistíma í tólf mánuði. Allt er þetta í samræmi við breytingu á samningi um starfsskilyrði mjólkurframleiðslunnar sem samþykktur var bæði á Alþingi og meðal kúabænda fyrr í sumar.

Meginbreyting reglugerðar sem tók gildi frá 1.sept nk. og gildir til 31. des 2010 er lenging þessa verðlagsárs úr 12 mánuðum yfir í 16 mánuði sem veldur því að nú fær hver og einn mjólkurframleiðandi útgefið nýtt greiðslumark til 16 mánaða í stað 12 mánaða. Hins vegar þegar litið er á viðmiðunina á landsvísu þá er heildargreiðslumark á líðandi verðlagsári 119 milljónir lítra en verður 116,25 milljónir lítra sé miðað við næstu 12 mánuði. Samdrátturinn stafar af minni sölu á mjólkurvörum síðustu misseri en reiknað hafði verið með þegar síðasta reglugerð var sett um 119 milljóna lítra heildargreiðslumark.

Önnur veigamikil breyting í fyrirkomulag beingreiðslna til kúabænda er breyting á tímabili C-greiðslna næstu 16 mánaða. Felldar eru niður greiðslur í júlí og ágúst en hlutfall C-greiðslna í nóvember og desember hækkað. Tilgangurinn með C-greiðslunum er eins og áður að jafna framleiðslu eftir mánuðum og jafnframt að leitast við að draga úr þörf iðnaðarins fyrir duftframleiðslu vegna misræmis milli framleiðslu og sölu. Nánar má sjá skiptingu C-greiðslna í eftirfarandi töflu en heildarhlutfall C-greiðslna af beingreiðslum er óbreytt frá núgildandi reglugerð eða 16,88% af heildarbeingreiðslum.

Tafla 1. Skipting C-greiðslna verðlagsárið 1. sept 2009 til 31. des 2010

Ár	2009	2010
Janúar		7,5%
Febrúar		7,5%
Mars		0%
Apríl		0%
Maí		0%
Júní		0%
Júlí		0%
Ágúst		0%
September	10,0%	7,5%
Október	5,0%	12,5%
Nóvember	10,0%	15,0%
Desember	10,0%	15,0%

Þriðja breytingin í reglugerðinni tengist ráðstöfun óframleiðslutengds stuðnings og minna markaðstruflandi

stuðnings í mjólkurframleiðslunni. Þar er kveðið á að rúmlega 160 milljónum króna úr mjólkursamningnum skuli varið til eftirfarandi verkefna á næstu 16 mánuðum:

- 58 milljónir í kynbótaverkefni
- 82 milljónir í ræktunarstyrki í gras- og grænfóðurrækt
- 20,8 milljónir í rannsókn- og þróunarverkefni í nautgripærækt

Að öðru leyti er hin nýja reglugerð með svipuðum ákvæðum og fyrri reglugerð um greiðslumark í mjólk s.s. um framleiðsluskyldu einstakra bóa til að njóta fulls stuðnings en þar er miðað við 90% framleiðsluskyldu líkt og verið hefur. Á sama hátt er miðað við að öll framleiðsla á lögbýli, bæði sem seld er í afurðastöð og heimaunnin mjólk telst með í uppgjöri greiðslumarks fyrir viðkomandi lögbýli.

Runólfur Sigursveinsson

Munið að tilkynna um nautkálfa!

Nú líður óðum að þeim tíma er flestar kýr bera en burðir eru jafnan flestir á tímabilinu október-desember. Það liggur í hlutarins eðli að á þessum tíma bera því flestar þeirra kúa sem eru á skrá yfir væntanlegar nautsmæður en það eru þær kýr sem standast lágmarkskröfur m.t.t. kynbótamats, útlits og gæða, s.s. mjalta og skaps.

Ég vil því minna menn á að láta undirritaðan vita eignist kýr á nautsmæðraskrá nautkálfa sem er undan nautsföður með það í huga að kálfurinn verði tekinn á nautastöðina til frekari kynbóta á kúastofninum.

Nautsfeður þessa mánuðina eru; **Kappi 01031, Glæðir 02001, Lykill 02003, Pontius 02028, Flói 02029, Sírius 02032 og Aðall 02039.** Þá kemur til greina að taka kálfa undan eldri nautsfeðrum hafi þeir verið notaðir á viðkomandi kýr. Þeir sem helst kæmu til greina þar eru **Náttfari 00035, Spotti 01028, Alfons 02008 og Skurður 02012.**

Nautsmæðraskrá var send til bænda í júní s.l. og fyrir þá sem aðgang hafa að Huppu eru kýr sem standast lágmarkskröfur sérmerktar með flaggi framan við gripanúmerið í gripalistanum. Athugið að vel getur komið til greina að taka nautkálfa undan vel ættuðum og efnilegum 1. kálfs kvígum hafi þær verið sæddar með nautsföður.

Leiki einhver vafi á hvort viðkomandi gripur er á nautsmæðraskrá hafið þá samband við undirritaðan.

Guðmundur Jóhannesson
sími 480 1808 - netfang: mundi@bssl.is

Lækkandi vextir

Undanfarna mánuði hafa innláns- og útlánsvextir farið lækkandi eins og flestir hafa orðið varir við. Þeir bændur sem hafa erlend og innlend lán eru hvattir til að fylgjast vel með vaxtaþróun á hverjum tíma sem ætti að endurspeglast í vaxtagreiðslum af lánunum.

Til marks um hvernig þróunin er á grunnvöxtum erlendra lána (LIBOR-vextir) þá eru þeir í flestum tilvikum undir 1%, þó háð myntum, lægstu grunnvextirnir eru á yenum og svissneskum frönkum. Ef litið er á 3 mánaða LIBOR-vexti á þeim myntum þá eru þeir um og undir 0,5%. Hins vegar eru grunnvextir á evru og sterlingspundi rúmlega 1% en á dollar milli 0,6 og 0,7%. Á þessa grunnvexti leggst mismunandi hátt álag viðkomandi banka. Í heildina má segja að veruleg vaxtalækkun hefur orðið á erlendum lánunum sem vegur aðeins á móti gríðarlegri hækkun á höfuðstól þessara lána vegna gengishruns íslensku krónunnar.

Þeir sem eru með lán í íslenskum krónum ættu eiga einnig að sjá nokkra breytingu í vaxtaþætti lánanna þó svo mönnum finnist lækkanir komi seint. Til að átta sig þessari breytingu þá eru tilgreindir hér á eftir grunnvextir þriggja mismunandi lánaforma þriggja banka miðað við útgefna vaxtaöflur bankanna.

Nýjustu vaxtaöflur Kaupþings og Landsbankans eru frá 1. ágúst sl. en hjá Íslandsbanka frá 21. ágúst

1. Tafla - grunnútlánvextir í prósentum frá 1. ágúst 2009 (Kaupþing, Landsbanki) 21. ágúst (Íslandsbanki).

	Verðtryggð lán án álags	Óverðtryggð lán án álags	Yfirdráttur
Íslandsbanki	6,25 %	10,50 %	15,25 %
Kaupþing	5,80 %	10,25 %	15,50 %
Landsbanki	5,30 %	10,45 %	14,50 %

Eins og sést í töflunni að ofan hefur átt sér stað allnokkur lækkun síðustu mánuði á þessum lánaflokkum. Álag ofan á grunnvextina er síðan mismunandi eftir stöðu hvers og eins lántakanda, eins er með yfirdráttarvextina, þar geta viðskiptavinir væntanlega samið sig neðar en sú viðmiðun sem gefin er út í vaxtaöflum bankanna. Hægt er að fylgjast með vaxtabreytingum bankanna í gegnum heimasíður þeirra, www.islandsbanki.is, www.kaupthing.is og www.landsbanki.is

Runólfur Sigursveinsson

Minnt er á mjaltaathuganir

Mjaltathugunin er hluti af upplýsingum sem notaðar eru við útreikninga á kynbótamati fyrir mjaltir. Nú er verið að undirbúa nýja útreikninga á kynbótamati og því er mikilvægt að nýjar upplýsingar um mjaltaathugun berist sem fyrst. Í nóvember s.l. og aftur í apríl s.l. voru þeim sem ekki skila skýrslum með rafrænum hætti í Huppu sendar mjaltaathuganir til útfyllingar. Á sama tíma voru gerðar mjaltaathuganir til útfyllingar í Huppu fyrir þá sem framkvæma sín skýrsluskil þar. Nú eru þeir sem eiga eftir að skila þessum athugunum inn beðnir að **gera það hið allra fyrsta. ATHUGIÐ að nóvember og apríl-mjaltathuganirnar eru sín hvor athugunin þannig að skila þarf báðum inn.**

Hafi eyðublöðin á einhvern hátt glatast þá endilega hafið samband og við sendum ykkur ný eyðublöð til útfyllingar.

Fyrir þá sem skila skýrslum í Huppu er mjaltathugun að finna undir „Kynbótamat“ í valröndinni vinstra megin. Eftir að smellt hefur verið á „Kynbótamat“ birtist valmöguleikinn „Mjaltathugun“ og því næst er valið „Skoða mjaltaath.“. Þegar smellt er á flippann birtist ein lína fyrir hverja

mjaltathugun sem er til fyrir viðkomandi bú og hvenær hún hefur verið gerð. Ef mjaltathugunin hefur stöðuna „opin“ þá hafa upplýsingar ekki verið skráðar í reitina og mjaltathuguninni ekki verið skilað.

Til þess að skrá eða fylla út viðkomandi athugun er smellt á „ör“ lengst til hægri í línunni og þá birtist listi þar sem velja þarf að „Skrá athugun“. Við það opnast viðkomandi mjaltathugun. Þegar búíð er að fylla út athugunina þá er unnt að „vista“ skrána og geyma til frekari vinnslu eða „vista og skila“ og þá flyst skráin inn í gagnagrunninn og verkinu er lokið. Sé aðeins valið að „vista“ þarf að velja að „skila athugun“ með því að fara aftur í listan yfir mjaltathuganir og smella á örina aftast í línunni líkt og þegar farið var í að skrá athugun.

Hafið samband við Guðmund hjá Búnaðarsambandinu ef eitthvað er óljóst við skráningu á mjaltathugun eða aðstoðar er þörf.

Guðmundur Jóhannesson

Hauststörfin í sauðfjarrækt 2009

Hauststörfin í sauðfjarrækt á vegum Búnaðarsambands Suðurlands eru nú að hefjast. Dagskrá haustsins er birt hér með fyrirvara um hugsanlegar breytingar. Sýningarhaldið er með svipuðu sniði og undanfarin ár, þ.e. að í þeim sveitum þar sem leyft er að komið sé saman með fé verða samsýningar. Jafnframt verður boðið upp á að þeir sem ætla að láta skoða 20 gimbrar eða færri geta komið með þær á sýningarstað en til að tímaplön standist þarf að panta þær gimbraskoðanir sem og aðrar í tíma hjá Búnaðarsambandinu. Sýningarstarf verður skipulagt í samráði við formenn/forráðamenn fjarræktarféлага/svæða á hverjum stað, hvort sem um samsýningar er að ræða eður ei. Vonast er til að það samstarf gangi vel líkt og undanfarin ár. Eins og undanfarin haust verður áhersla lögð á lambaskoðanir.

Á meðan skoðað verður eftir skipulagðri dagskrá geta bændur ekki búist við því að hægt sé að skoða lömb hjá þeim utan þess dags sem skipulagður er á þeirra svæði.

Til að afköst verði sem best við sauðfjárskoðanir þarf aðstaða að vera þannig að dómar gangi sem greiðlegast fyrir sig. Helstu atriði sem þurfa að vera í lagi eru eftirfarandi:

- Hafa ætterni lamba á hreinu, númer föður og móður.
- Þeir sem eru í skýrsluhaldi sauðfjarræktarféлага að hafa upplýsingar um fjarræktarfélagsnúmer veturgamalla hrúta og ætterni þeirra (númer föður og móður).
- Gott er að búið sé að vigta lömb og veturgamla hrúta sem koma á með til dóms ef kostur er. Það sparar mannskap og tíma og minnkar hávaða.
- Hafa sterka og hreina grind eða plötu undir ómsjá og festa vel á jötubönd.
- Hafa aðstöðu fyrir ritara og æskilegt að búið sé að útvega ritara fyrir sýningu.
- Hafa framlengingarsnúru tilbúna og í lagi.
- Hafa gott ljós. Það er nauðsynlegt til að hægt sé að meta ullina.
- Hafa stóla, kassa eða fötur til ásetu fyrir ritara, ómmælingarmann og íhald.
- Hafa sem flesta starfsmenn við fjárskoðunina, a.m.k. 2 menn að draga og halda í og 1 ritara. Þetta er ekki síður nauðsynlegt þar sem farið er heim á bæi og tveir starfsmenn BSSL eru við dómsstörf. Ef mjög falið er heima á bæjum getur það seinkað dagsskipulagi og valdið því að komið er mjög seint á þá bæi sem endað er á þann daginn.

Lambhrútar:

Lambhrútar verða mældir og stigaðir líkt og undanfarin ár. Til að fá raunhæft úrval af ásetningshrútum er nauðsynlegt að

koma með til dóms og mælinga þrisvar sinnum þann fjölda sem áætlaður er til ásetnings á hverju búi. Einnig er ágætt að fá sem flest lömb undan sæðingahrútum til dóms til að fá sem besta mynd af sæðingahrútunum sem lambsfeðrum. Líkt og undanfarin ár verður boðið upp á aukasýningar á lambhrútum á þeim svæðum sem óskað er, en nauðsynlegt er að vita í tíma hvenær henti best að halda þær á hverju svæði.

Á fundi sauðfjarræktarnefndar Búnaðarsambands Suðurlands sem haldinn var 20. ágúst síðastliðinn var samþykkt að þeir lambhrútar sem verða skoðaðir eftir 20. október verða ekki með í uppröðun fyrir bestu lambhrútabúin. Ástæðurnar eru þær að það er mikill þroskamunur á milli lambhrúta sem dæmdir eru í september annarsvegar og lok október hinsvegar. Vel þroskaðir hrútar eru einnig oft farnir að leggja af eftir miðjan október nema þeir séu á því betri haga. Þar sem stefnt er að sauðfjarræktarfundunum 25. og 26. nóvember þarf lágmarkstíma til að undirbúa þá. Líkt og undanfarin ár verður á fundunum hauststörfin gerð upp, kynntir hrútar á Sauðfjarsæðingastöð Suðurlands og veittar viðurkenningar.

Gimbraskoðanir:

Gert er ráð fyrir að framkvæma gimbraskoðanir samhliða hrútasýningum eins og hægt verður að koma fyrir. Reynt verður að skipuleggja þær skoðanir sem verða ekki á hrútasýningartímabilinu þannig að skoðunarmaður verði á ákveðnum svæðum á ákveðnum dögum. ÞESS VEGNA ER MJÖG MIKILVÆGT AÐ PANTA GIMBRASKOÐANIR TÍMANLEGA. Í haust er ráðgert að skrá dóma á öllum skýrslufærðum gimbrum í www.fjarvis.is.

Æskilegt er að láta ómskoða fyrr en seinna á haustin og velja ásetning áður en haustbötun hefst. Með því móti er verið að velja bráðþroskuðustu einstaklingana til ásetnings. Einnig er þá hægt að láta vænstu lömbin strax í slátrun en bata þau lömb sem þurfa á því að halda. Hrútlömb þroskast seinna en gimbrar og því er yfirleitt meiri ávinningur að bata þá, þar sem gimbrum er hættara við fitusöfnun.

Afkvæmarannsóknir hrúta:

Afkvæmarannsóknir hrúta er einn af mikilvægari þáttum sauðfjarræktarinnar. Styrkur til niðugreiðslu á afkvæmarannsóknum kemur úr þeim hluta sauðfjarsamningsins sem fellur undir nýliðunar- og átaksverkefni. Ef bú uppfyllir skilyrði afkvæmarannsóknar kemur styrkurinn til lækkunnar vinnu við ómmælingar og uppgjör afkvæmarannsóknarinnar. Skilyrði afkvæmarannsóknna hrúta eru eftirfarandi:

- Fjöldi afkvæmahópa þarf að vera að lágmarki 5 fyrir lægri styrkin og 8 fyrir hærri styrkin.

- Bú þarf að vera þátttakandi í skýrsluhaldi sauðfjárræktarfélaganna.
- Vorupplýsingum hafi verið skilað til Bændasamtaka Íslands til uppgjörs.
- Fyrir hvern hrút í rannsókn þarf kjötmatsupplýsingar fyrir að lágmarki 10-12 afkvæmi.
- Í hverjum afkvæmahópi skulu ómmæld og stiguð að lágmarki 8 lömb af sama kyni undan hrút.

Æskilegt er að hafa sem flesta hrúta í afkvæmarannsókn innan bús upp á að fá sem bestan samanburð. Að sjálfsögðu er hægt er að gera upp rannsókn þar sem ekki nást 5 hrútar í rannsókn en þá kemur enginn styrkur til lækkunar á kostnaði bónda.

Veturgamlir hrútar:

Veturgamlir hrútar verða mældir og stigaðir fyrir þá sem þess óska. Veittar verða viðurkenningar fyrir þrjá stigahæstu veturgömlu hrútana í hverri sýslu úr einstaklingsdómi á sauðfjárræktar-fundunum í nóvember.

Innheimta/gjaldskrá:

Innheimt verður fyrir alla sauðfjárdóma. Það er fyrir skoðun á gimbrum, lambhrútum og veturgömlum hrútum. Á samsýningum verður innheimt eftir ákveðnum fjölda hrúta en ekki eftir tíma (sjá töflu 1).

Þar sem komið er heim á bæi verður gjaldskráin á þessa leið:

- Dómar á sauðfé..... 6.000 kr/klst/ starfsmann.
 - o 40% afsláttur er fyrir félagi í búnaðarfélagi / búnaðarsambandi
- Komugjald heim á einstaka bú5.000 kr
- Lágmarksgjald5.000 kr
- Styrkur sem er veittur þeim bændum sem taka þátt í afkvæmarannsókn hrúta.
 - o 5-7 hrútar í prófun 5.000 kr
 - o 8 hrútar eða fleiri í prófun10.000 kr

Komugjald er ekki tekið þegar unnið er eftir skipulagðri dagskrá. Þegar farið er á fleiri en einn bæ á sama svæði eða á samsýningu utan skipulagðrar dagskrár þá deilist komugjaldið niður á þá bæi.

Lágmarksgjald er tekið þegar komið er heim á bæi og skoðuð nokkur lömb, skoðun tekur innan við klukkustund. *Lágmarksgjald* er einungis tekið þegar unnið er eftir skipulagðri dagskrá.

Álag verður 50% ofan á gjaldskrá BSSL þar sem óskað er sérstaklega eftir skoðunum um helgar eða á kvöldin.

Tafla 1. Verðskrá fyrir samsýningar.

Hrútar	
Fjöldi	Kr.
1-10	2.400
11-20	4.800
21-30	7.200
31-40	9.600
41-50	12.000
51-60	14.400
61-70	16.800
71-80	19.200
Gimbrar	
Fjöldi	Kr.
1-10	900
11-20	1.800

Veittur er 10% afsláttur til þeirra bænda sem skrá dómana á sínum lömbum sjálfir innan viku eftir að dómur á sér stað, sama hvort þeir skrá hann í Fjárvis bú eða á www.fjarvis.is. Vonandi verður þetta hvatning til bænda að skrá dómana strax og láta starfsmenn BSSL vinna afkvæmarannsókn fyrir hrútana ef nægur fjöldi gimbra kemur til dóms undan hverjum hrút.

Allt verð er gefið upp án virðisaukaskatts.

Pantanir:

Pantanir fyrir lambaskoðanir og afkvæmarannsóknir hrúta þurfa að berast til BSSL í síðasta lagi viku fyrir áætlaðan skoðunardag. Mikilvægt er að panta lambaskoðanir í tíma til að hægt sé að skipuleggja og jafnframt anna öllum pöntunum á þeim tíma sem hentar sem flestum. Ef pöntun er gerð með mjög stuttum fyrirvara má búast við að ekki verði hægt að sinna henni.

Pantanir fara fram í síma 480 1800 eða á netföngin fol@bssl.is eða thorey@bssl.is. Taka skal fram hentugan tíma og áætlaðan lambafjölda sem skoða á.

Mikilvægt er að vanáætla ekki fjölda lamba um marga tugi í skoðun þar sem það getur valdið mikilli röskun á skipulagi þess dag.

**Með von um gott samstarf
Sauðfjárræktarráðunautar BSSL**

Hvað þýða breytingarnar á mjólkursamningi fyrir kúabændur ?

Eins og kúabændur þekkja voru gerðar breytingar síðastliðið vor á samningi um starfskilyrði mjólkurframleiðslu sem upphaflega var gerður 10.mái 2004.

Samningurinn þannig breyttur var síðan samþykktur bæði á Alþingi og kúabændum fyrri hluta sumars. Í kjölfarið hefur verið gefin út ný reglugerð um greiðslumark í mjólk næstu 16 mánuði. Ein breyting sem samþykkt var tengist tilfærslu á tímabili verðlagsárs þannig að verðlagsárið verði almanaksár frá og með 1.janúar 2011. Þetta þýðir að komandi verðlagsár verður 16 mánuðir en síðan verða þetta 12 mánaða tímabil líkt og verið hefur.

Meginbreyting á mjólkursamninginum er í stofnupphæðum samningsins, í stað beinnar vísitölutengingar um verðbætur á upphæðum um hver mánaðarmót þá er sett inn föst krónutala vegna ársins 2009 að upphæð 5.425 milljónir líkt og var ákveðið af Alþingi í fjárlögum ársins 2009. Ef lítið er á vísitölu neysliverðs fyrir júlímánuð 2009 þá er hún 345,1 stig sem hefði þýtt að heildarupphæð samningsins væri núna komin í 5.823 milljónir króna. Skerðingin er því núna orðin tæp 7% miðað við að upphaflegi samningur væri í gildi. Miðað við verðbólguþá Sedlabankans þá má búast við að raunlækkun samningsins vegna ársins 2009 verði vel yfir 10%.

Rétt er að ítreka það að á fjárlögum 2009 var Alþingi búíð að samþykkja töluna 5.425 milljónir sem greiðslur fyrir mjólkurframleiðslu það ár og því tekur breyting á mjólkursamningnum mið af þeirri tölu og þeim efnahagslegum aðstæðum sem eru m.a. í ríkisfjármálunum.

Í breytingu á samningnum eru ákvæði um 2% hækkun framlaga árið 2010 frá upphæðinni 5.425 milljónum árið 2009.

Síðan er 2011 reiknað með 2% hækkun frá 2010 og allt að helmingur þess sem á vantar, samkvæmt 6.gr. í upphaflega samningnum, þó verði hækkun ársins 2011 að hámarki 5% frá því sem var 2010.

Árið 2012 verði vísitölutenging komin aftur á samninginn þó með fyrirvara um að hækkun þess árs verði ekki meiri en 5% frá árinu 2011. Eftir árið 2012 verði komin aftur á full vísitölutenging á samninginn.

Af þessu er ljóst hve það er gríðarlega mikilvægt að verðbólga verði sem lægst næstu misseri og ár til að samningurinn haldi sem mest verðgildi sínu m.t.t greiðslna til kúabænda.

Þá er samningstíminn lengdur um 28 mánuði eða til ársloka 2014 sem verður að teljast mjög jákvætt. Vonandi verður íslenskt samfélag komið að hluta úr þeirri erfiðu stöðu sem það er í núna þegar dregur að lokum samningstímans.

Þá bætist við nýr tölulíður í 6.gr. upphaflega samningsins í þá veru að ef samkomulag næst milli aðila sé heimilt að færa á milli einstakra liða í töflu 1 þar sem kveðið er á um skiptingu framlaga í beingreiðslur, kynbóta- og þróunarfé, gripagreiðslur og óframlaiðslutengds stuðnings. Væntanlega mun þetta leiða til að ekki verði frekari tilfærsla úr beingreiðslum yfir á óframlaiðslutengdan stuðning en þegar er ákveðin samkvæmt nýrri reglugerð um greiðslumark sem tók gildi 1. sept. sl. Þetta leiðir til þess að beingreiðslur á framleiðslu verða hærri en reiknað var með í upphaflega samningnum.

Hverjar verða þá greiðslur til kúabænda árið 2010 ?

Miðað við fyrirliggjandi tölur og að heildargreiðslumarkið verði 116,25 milljónir lítra næstu tólf mánuði eða 155 milljónir lítra frá 1.sept 2009 til 31.des 2010, þá verður beingreiðsla frá 1.janúar 2010 til ársloka 2010 um 40,27 kr/l eða alls 4.681 milljón króna sem skiptast síðan í ákveðnum hlutföllum í A,B og C-greiðslur út almanaksárið.

Til viðbótar koma um 553 milljónir í gripagreiðslur eða um 20.500 kr/kú á ári miðað við 27.000 kýr. Þessar tölur á hverja kú eru síðan háðar bústærð og eins njóta holdakýr tvöfaldrar greiðslna. Kynbóta - og þróunargreiðslur verða um 139 milljónir árið 2010 og samkvæmt nýrri reglugerð um greiðslumark frá 1.sept 2009 til og með 31.des. 2010, þá verða 108 milljónir greiddar í óframlaiðslutengdan stuðning vegna ársins 2010.

Að lokum

Í ljósi þess sem sagt er frá hér á undan má segja að kúabændur hafi gert sitt og vel það til að takast á við það þrönga efnahagshverfi sem íslenskt samfélag stendur frammi fyrir, með því að samþykkja breytingu á samningi um starfskilyrði mjólkurframleiðslu. Breytingin mun leiða til tímabundinnar skerðingar á greiðslum til kúabænda en ef vel tekst við stjórn efnahagsmála næstu ár, þá ætti það að nást til baka á síðustu árum samningsins. Auk þess sem samningstíminn er lengdur um rúm 2 ár frá upphaflegum samningi.

Hagsmunir kúabænda og almennings fara síðan algjörlega saman um að halda verðbólgu lágrí næstu ár og auðvelda þannig endurreisn íslensks atvinnulífs.

Tilkynning vegna gæðastýrðs skýrsluhalds í nautgriparækt

Bændasamtök Íslands hafa, í samráði við Landssamband kúabænda, sett fram reglur um gæðastýrt skýrsluhald í nautgriparækt fyrir verðlagsárið 2009/10. Kröfur um skýrsluskil eru þær sömu og á fyrra verðlagsári, þ.e. að skýrslur þurfa að vera komnar inn til uppgjors fyrir 11. næsta mánaðar eftir mælingarmánuð.

Kröfur um kýrsýni kveða á um að eitt kýrsýni skuli taka á hverjum ársfjórðungi almanaksársins. Til ráðstöfunar á verðlagsárinu 2009/10 eru 58 milljónir króna. Líkt og á verðlagsárinu 2008/09 eru 20% þeirrar upphæðar greidd út sem flöt greiðsla á skýrsluhaldsbú en 80% eru greidd út miðað við árskúafjölda búa.

Vakin er athygli á því að, vegna breytinga á skilgreiningu verðlagsárs, verður verðlagsárið 2009/10 alls 16 mánuðir. Verðlagsárið sem hér um ræðir hefst því 1. september 2009 og lýkur í desember 2010. Greiðslur á því verðlagsári verða fjórar, greiddar út fyrir fjögurra mánaða tímabil í senn.

Greiðsludagar eru í janúar 2010, maí 2010, september 2010 og janúar 2011. Þar sem verðlagsárið spannar síðasta ársfjórðung ársins 2009 og allt almanaksárið 2010 þurfa skýrsluhaldarar að skila að lágmarki niðurstöðum 5 kýrsýna fyrir hjörðina á þessu tímabili, einu fyrir síðasta ársfjórðung ársins 2009 og fjórum fyrir árið 2010, ásamt því að halda uppi reglulegum skýrsluskilum samkvæmt ofangreindum kröfum.

Fyrir fyrstu greiðslu eru einungis gerðar þær kröfur að bú hafi staðist fyrstu 4 mánuði verðlagsársins en skilyrði fyrir annari, þriðju og fjórðu greiðslu er að bú hafi staðist kröfur um gæðastýringu frá upphafi verðlagsárs. Þetta þýðir að til þess að frá hlutdeild í annari greiðslu þarf bú einnig að hafa staðist kröfur vegna fyrstu greiðslu o.s.frv.

Þau bú sem ekki náðu að standast kröfur um gæðastýringu á síðastliðnu ári geta að sjálfsögðu tekið þátt í gæðastýringu næsta verðlagsárs með því að byrja regluleg skýrsluskil og töku kýrsýna frá og með september 2009.

Ný skýrsluhaldsbú, geta skráð sig í skýrsluhald hvenær sem er yfir verðlagsárið. Í slíkum tilfellum miðast þátttaka í gæðastýringu frá fyrsta heila greiðslutímabili er bú hafi skráð í skýrsluhald. Ný skýrsluhaldsbú eru skilgreind sem bú sem ekki hafa verið í skýrsluhaldi á verðlagsárinu 2008/09 eða bú sem hafa haft eigendaskipti á verðlagsárinu 2008/09 eða seinna.

Hvetjum við skýrsluhaldara til að huga að þessum málum í tíma og muna að fyrsta skýrsla verðlagsársins þarf að vera komin inn til uppgjors fyrir 11. október 2009. Hafið samband við Búnaðarsambandið ef aðstoðar eða frekari upplýsinga er þörf.

Yfirlit yfir skiladaga og kýrsýnatökur verðlagsársins 2009/10		
Skýrslumánuður	Síðasti skiladagur skýrslu	Kýrsýnataka
September 2009	10. október 2009	
Október 2009	10. nóvember 2009	Lágmark 1 ein kýrsýnataka fyrir hjörðina
Nóvember 2009	10. desember 2009	
Desember 2009	10. janúar 2010	
Janúar 2010	10. febrúar 2010	Lágmark 1 ein kýrsýnataka fyrir hjörðina
Febrúar 2010	10. mars 2010	
Mars 2010	10. apríl 2010	
Apríl 2010	10. maí 2010	Lágmark 1 ein kýrsýnataka fyrir hjörðina
Maí 2010	10. júní 2010	
Júní 2010	10. júlí 2010	
Júlí 2010	10. ágúst 2010	Lágmark 1 ein kýrsýnataka fyrir hjörðina
Ágúst 2010	10. september 2010	
September 2010	10. október 2010	
Október 2010	10. nóvember 2010	Lágmark 1 ein kýrsýnataka fyrir hjörðina
Nóvember 2010	10. desember 2010	
Desember 2010	10. janúar 2011	

Kornbændur, athugið!

Á heimasíðu Búnaðarsambandsins, www.bssl.is er að finna ráðleggingar og leiðbeiningar varðandi sýringu korns!

SAUÐFJÁRDÓMAR - DAGSKRÁ 2009

Dagsetning	Svæði	Dómarar
Fimmtudagur	17. sep. Laugardalur (hr&gsk)	FL/PB
Föstudagur	18. sep. Stokkseyrar-/Gaulverjab.hr. (hr&gsk)	FL/PB
Mánudagur	21. sep. Suðursveit (gsk)	ÓJ/ÁK
Þriðjudagur	22. sep. Suðursveit (hr&gsk)	ÓJ/ÁK
Miðvikudagur	23. sep. Kirkjubæjarhreppur (gsk)	PB/ÓJ
Fimmtudagur	24. sep. Kirkjubæjarhreppur (hr&gsk)	PB/GP
Föstudagur	25. sep. Vestur-Landeyjar (hr&gsk)	ÓJ/ÁK
Mánudagur	21. sep. Öræfi (gsk)	FL/GP
Þriðjudagur	22. sep. Öræfi (gsk)	FL/GP
Miðvikudagur	23. sep. Öræfi (hr&gsk)	FL/GP
Fimmtudagur	24. sep. Þingvallasveit (hr&gsk)	ÓJ/ÁK
Föstudagur	25. sep. Austur-Eyjafjöll (hr)/Afk. Y.-Skógum	FL/PB
Mánudagur	28. sep. Hörgslandshreppur (hr&gsk)	FL/HÁ
Þriðjudagur	29. sep. Dyrhólahreppur (hr&gsk)	FL/HÁ
Miðvikudagur	30. sep. Hvamshreppur (hr&gsk)	FL/HÁ
Fimmtudagur	1. okt. Holta-og Landsveit (hr&gsk)	FL/HÁ
Föstudagur	2. okt. Meðalland (hr&gsk)	FL/HÁ
Mánudagur	28. sep. Hraungerðishreppur (hr&gsk)	PB/ÓJ
Þriðjudagur	29. sep. Hraungerðishreppur (hr&gsk)	PB/ÓJ
Miðvikudagur	30. sep. Villingaholtshreppur (hr&gsk)	PB/ÓJ
Fimmtudagur	1. okt. Hrunamannahreppur (hr&gsk)	PB/ÓJ
Föstudagur	2. okt. Hrunamannahreppur (hr&gsk)	PB/ÓJ
Mánudagur	5. okt. Mýrar (hr&gsk)	PB/GP
Þriðjudagur	6. okt. Nes (hr&gsk)	PB/GP
Miðvikudagur	7. okt. Lón (hr&gsk)	PB/GP
Fimmtudagur	8. okt. Rangárvallahreppur (hr&gsk)	FL/PB
Föstudagur	9. okt. Fljótshlíð/Hvolhreppur (hr&gsk)	FL/GP
Mánudagur	5. okt. Gnúpverjahreppur (hr&gsk)	ÓJ/HÁ
Þriðjudagur	6. okt. Gnúpverja-/Skeiðahreppur (hr&gsk)	ÓJ/HÁ
Miðvikudagur	7. okt. Skeiðahreppur (hr&gsk)	ÓJ/HÁ
Fimmtudagur	8. okt. Grímsnes (hr&gsk)	ÓJ/HÁ
Föstudagur	9. okt. Austur-Landeyjar/Vestur-Eyjafjöll (hr&gsk)	ÓJ/HÁ
Mánudagur	12. okt. Skaftártunga (hr&gsk)	FL/PB
Þriðjudagur	13. okt. Álftaver (hr&gsk)	FL/PB
Miðvikudagur	14. okt. Ásahreppur (hr&gsk)	FL/PB
Mánudagur	12. okt. Biskupstungur (hr&gsk)	ÓJ/HÁ
Þriðjudagur	13. okt. Selvogur (hr&gsk)	ÓJ/HÁ
Miðvikudagur	14. okt. Grafningur (hr&gsk)	ÓJ/HÁ
Fimmtudagur	15. okt. Ölfus / Eyrarbakki (hr&gsk)	ÓJ/HÁ
Laugardagur	17. okt. Dagur sauðkindarinnar Hvolsvelli	PB

Dagskrá er birt með fyrirvara um breytingar. Áætlaður tími er á hverjum stað með fyrirvara um breytingar.

hr=Hrútasýning gsk=Gimbraskoðun hr&gsk=Hrútasýning og gimbraskoðanir ef tími leyfir

Dómarar: ÁK: Ágúst Ingi Ketilsson, FL: Fanney Ólóf Lárusdóttir, GP: Grétar Mór Porkelsson,

HÁ: Hermann Árnason, ÓJ: Óðinn Örn Jóhannsson og PB: Pórey Bjarnadóttir.